

Inches 1 2 3 4 5 6 7 8
cm 1 2 3 4 5 6 7 8 9 10 11 12 13 14 15 16 17 18 19

Kodak Color Control Patches

© Kodak, 2007 TM: Kodak



Kodak Gray Scale



© Kodak, 2007 TM: Kodak

A 1 2 3 4 5 6 M 8 9 10 11 12 13 14 15 B 17 18 19

鸚 文
第 三 架
第 三 段
第 一 行
壹 部 三 冊
軒 庫

鸚
二 六 一 三
九 乙

遺稿

一

明治六年新鐫

鐵心遺稿

大垣小原氏藏梓

鐵心遺稿

鐵心遺稿

鐵心遺稿

鐵心遺稿


春

一

家

日本紀之二十中百
三十三年五月
念五書於米利堅
紐約貝列街歌府
實也

碩書之孫氏共



鐵心遺稿序

小原參事郵致先人鐵心翁遺稿云。將舟
諸梓。請子序之。余受而觀之。題曰鐵心遺
稿。鐵心生前所自書也。特疑鐵心刺其詩。
必期身後而然耶。注歲既刺小稿。則是或
出於偶然耶。思其說未得。既開其稿而得
之。鐵心原大垣藩士。遭遇維新之際。時而
東西抵役。時而董釐藩政。時而講兵演銳。

時而羽儀。天朝時而與光儒名士論經
濟。時而與沙門頭陀談玄理。時而聘歌妓
鬪酒觴。有是時則必有是詩。錢心一生所
經歷如親覩然。錢心為人身材壯大。胸宇
宏豁。能飲酒。過一斗始醺然。其戶之大與
度量相副。余不見錢心者數年。辛未之春。
錢心應召入京。余邂逅於柳橋酒樓。鬢
髮蕭疎。齒牙脫落。飲酒比前日減幾分。余

心竊怪其齡僅過五十。而何早衰如此。既
而相睽離二寒暑。而訃音到矣。顧錢心自
知死期之將至。乃自訂輯其詩。欲結局於
絕筆之日。以為一部詩史。故其預題遺稿。
固非出於偶然。夫錢心得藩戾知遇。久參
政務。其遺愛之存于人也深矣。或當有磨
大碑版。索大手筆。記之事蹟而傳之者。又
何用借區區詩稿。自表章為然。其記與傳

在人。非鐵心不可期。惟詩者心之聲也。輯而存之。百歲之後。讀其詩。則其人之性行。瑕瑜俱見。有不可掩者。是鐵心之志也。今參事始除喪服。促工刻遺稿。使鐵心有知。含笑於九原。必謂善繼吾志者矣。

尾張 鷺津宣光序

金井之恭書

刻鐵心遺稿序

嗚乎此吾友小原君鐵心之遺稿也。今嗣睢陽在若山縣。遠寄書。囑余以校刻之事。豈非以其去余之與君交誼尤深耶。因憶往年余之寓於麵坊。天橋酒見過。一見如舊相識。尔後或咫尺

相來性。或東西離居。音書往復。曾無霜月。余性粗率。管直時或。被誣大之。置座而天不咎也。時或。指指涕過。迫促切劇。而天不拒也。當癸丑甲寅之際。天下多故。余不自量。勃輒抗論國事。人皆笑以為狂。而君獨不北之。及後羅

災厄。且天陰出力救解。而陽必不為焉。余常以為良交難收得也。今茲余之東。心竊歎君之繼才也。今天不來。而遺稿至矣。豈不悲乎。蓋余之於君。同臭味。逆三十年如一日。且今者之事。雖無睢陽之厲。固將自任其責。况於有

嗚乎。詩凡若干首。君卒於年之未
三卷。其存數卷。余頗訂正。為編
次。而法家評存之。別有文稿。亦為
繼謀刻。嗚呼。余老矣。碌碌無狀。
何以酬君之厚誼。拮据校訂。所
表報効之策一而已。若夫君生
平之事業。經歷。占其襟懷。廓

落直家乘之狀。瀏瀆之際。乘、
可見。何瑛贅言耶。嗚乎。君逝
矣。已友果不可沒得。哀哉。

明治壬申冬十月

湖山居士小野士憲序





丙辰冬月錢心大夫營別墅於城
北預為三年及致仕弄風月計
既而想及交遊存沒悵然有作
示身譽芳顏

早計移梅結搆多清閒預要似村家他
年夫子歸休日其奈吾輩滿百何

細香江馬裛拜

小蘋和却親書



鐵心遺稿目次

卷一 古今體七十一首

卷二 古今體五十一首

卷三 古今體四十三首

卷四 古今體五十六首

卷五 古今體四十六首

卷六 古今體六十七首

卷七 古今體八十四首

卷八 古今體三十三首

別錄

朝天餘稿

七言絕句四十七首

卷八	古今題三十三首
卷七	古今題八十四首
卷六	古今題六十五首
卷五	古今題四十六首
卷四	古今題五十六首
卷三	古今題三十三首
卷二	古今題五十一首
卷一	古今題三十一首

鐵心遺稿卷之一

大垣小原寬栗卿

記事十首并序

我公常以國家之窮為患。嘉永辛亥冬。將建
 非常之大計。定濟民之要法。使臣寬專管其
 事焉。其間每有一感事。輒作一小詩。前後得
 三十餘篇。今刪其露骨甚者。存此十首云。

天地無貧富。人間有窮達。窮達所由來。處置倒本末。
 思之復思之。幽憤欲到骨。

新令開言路。紛然獻奇論。我亦非無計。聞之使人擗。

拙堂曰行事之
 餘溢為好詩仁
 義之人其言藹
 如也不可以尋
 常詞章視之
 磐溪曰奇字利

字皆非好文字
而功利之士所
說往往如斯非
達理者孰得而
辨之哉

全松陰曰忠孝兩

湖山曰前世君
相之美談今日
得之於吾辱交
之人可喜可誇

松陰曰實况自
然動人為國家

一利生一害此語宜書紳

老幼或凍餒何為窮到斯咄哉同列士唯道歲連飢

丈夫豈無膽斷然將有為

家藏點茶具碌碌同敗瓦典之代黃金要以救鰥寡

只是先人物掩淚訴泉下

我祿有贏餘分之與窮士窮中又有等哀他窮逼死

奢華及此間澆季噫已矣

民家不舉火倉廩實亦虛租當取可取費當除可除

先憂而後樂我公食無魚

我公親在衙簿書座上堆省事頗一一釐毛不糜財

者當寫一通置
座右

拙堂曰三十字
是鐵心大夫之

小傳
湖山曰前二句
罵盡諸友所謂
如水雪者果誰
欺請能察之

涓涓一滴水終任江河來

胥徒汝勉哉青天白日明須思家國計切戒私門營

開眼觀天地浮榮風露輕

梅花三百樹就中結吾廬不延隱逸士不迎章句儒

有客談國事其心冰雪如

愛竹王子猷愛菊陶淵明所愛雖不同同是寄幽情

我有愛梅癖冷淡了一生

書感奉寄鐵研齋藤先生

我公守儉常著綿我民力農日在田獨怪倉廩多飢
鼠窮到此極果何緣寬也年來分其責幽憤何得附

松陰曰用俗語
殊妙

默然。東毫竊艸編弊錄。寒燈獨誦憫農篇。斷然今日
飛霹靂。唯期雨過土壤堅。斃蹶儻在十年外。此弊此
窮濟得全。

咬菜社五友歌。贈細香研山瓦雞毛芥南村諸
子。

城中詩客夥於菽。面手亦是不數輩。只我舊交存五
友。別結小社名咬菜。社長是誰鬢已霜。城東女史馬
細香。風月胸中持清節。有似幽谷蘭吐芳。城西又有
研山子。一封建議事極美。近日嘔血將不起。笑作長
歌贈知己。又有一輩非冗器。踟呼瓦雞多奇思。曾遊

湖山曰推女史
為社長是大夫
之風流然亦可
以見女史之卓
絕

都門春一夢。夢裡豪語及國事。豪放筭到毛上人。方
外結交膽氣親。儻能使汝頭畜髮。論議時機吐心肝。
尚有一友為阿誰。善詩字生亦舊知。其人沈謹曾有
句。一生不作美人詩。五人所志無一定。戲著長句謬
表證。更要五家大文筆。品評寬也煩寄贈。

梅園絕句

知己乾坤只有梅。築園幾樹手親栽。欲延志士說斯
意。不許詩人著句來。

讀乍川紀事詩有感而作三首

詩句真能寫苦艱。亂離在目淚先潛。却餘鬼哭風濤

湖山曰漢土人
虛文之弊可惡

怒折戰殘槍十八灣。

通商一許虜情橫。乍浦慘雲號哭聲。請看清兵孱弱

甚。劉家女子擅英名。

海氛慘淡未全除。哀詠悲歌吊且吁。有似窮愁杜工

部。到其忠烈一人無。

近輯火船撫要一編似兵家者流某副以此詩

兵家傳秘遂迂踈。萬卷珍藏舊曆如。要破武夫清世

膽。編成海外火船書。

一日同鳥居研山遊岡山俱約身後埋骨于此

地因有此作

天地悠悠無變遷。死生人間夢茫然。醉候荷鍾亦多

事。命乎盡處是終焉。一日我攜研山子。來遊岡山非

偶爾。懸旗松存是甘棠。土人傳言慶長之後
神君懸旗於此松太平基

從此地始。林遠山腰總是梅。落日春風吹香來。悠然

共坐老松下。重解腰瓢笑舉杯。嗟乎生而與汝並世

且同憂。好將義骨埋此丘。埋骨約決誓一語。志不報

國死不休。人生難期孰先逝。豈能浮屠托來世。我若

先汝必煩汝。汝若先我我為計。談罷下山月色多。路

入林間踏橫斜。身後同朋儻來吊。一片幽魂是梅花。

送井田澹泊尋師赴鎮西

壯汝遠遊酬國情。箕裘只待業全成。熊城瓊浦三千
里。一片丹心孤劍橫。

岐蘇道中六首

三錄

濕雲粘地曉冥濛。四面皆山不見容。只覺馬蹄頻上
下。果然此際十三峰。

山氣吹雲白雨橫。昏冥未辨已天明。馬前健僕忽驚
走。盤石轉來溪有聲。

征役原來分苦艱。半旬衝雨步蘓山。海南公駕今何
驛。篝火貪程曉入關。

此行公取東海道
寬取木曾道故云

訪佐藤一齋先生席上觀其藏幅明主封豐公

為日本國王之冊書。因有此作。
有武無文果奈何。稟封孱虜不堪嗟。上天欲佐千秋
鑑。一幅長傳學士家。

至日邸舍小集

此日會者大沼枕山橫山湖山
小林畏堂竹村可醫森田梅磧

嶺田楓江鷺津毅堂河村蘭圃允八人也
僧南園有約不來賦詩見寄末句故及

萍蓬相會是文緣。佳節况逢南至天。水底微暄魚影
動。梅邊淡靄鳥聲圓。此筵只合談風月。有酒何須論
聖賢。不恨支公背幽約。高情已見寄來篇。

花亭岡本君見招席上賦呈

一接溫顏感有餘。聞君北地牧民初。法歸寬約民姦

湖山曰此日余亦見招席上同

有任拙劣不足
存讀此詩赧然

熄詩寫丹誠。歡害除。

君有喻

遠夢十年。欣令德。佳招

今日及狂踈。座間未敢談風月。且讀義臣呈母書。

君觀

手寫大高原吾
贈母書牘故云

將歸鄉賦。此留別江都諸詞友。

我為都門客。結交皆英賢。早梅郎舍酒。新月墨田船。

瞥然烏兔過。又是瓜代天。諸友來飲餞。豈無別恨牽。

停杯問公等。西遊定何年。若過岐蘓道。必訪我家山。

我亦偷政暇。吟筇日相聯。或平關原古。或尋養老泉。

寬齋木村君。忌辰淚餘賦。長句一篇奠墓前。

命我命我卅六年。

君預知死是
其病床之語

噫天喪予長已矣。世

間百事皆可能。九原之人不可起。寬也與君如王貢。

君逝同僚無與共。聚首艸策終徒爾。政柄一折誰斷

訟。日月匆匆值忌辰。墓前和淚薦蠶蘋。白楊黃州秋

慘澹。一陣悲風來。散人。

災後偶述二首

瞥焉我屋付炎烟。且喜此身能得全。未道焦餘無一

物。胸間壯志獨依然。

臣道非乎果有由。天降灾厄又何憂。尋常來吊人如

市。無復當年柳柳州。

題畫二絕

湖山曰顏淵死而孔子慟矣夫研山死矣大夫之哀慟可知矣如研山實可惜之人

波瀾捲官海。要路索浮沈。已矣人間事。青山自古今。杳渺吳耶越。唯看一髮山。古來高踏士。多是在斯閒。

鳥居研山。喀血將不起。一日招余曰。岡山埋骨

之約請煩君。余曰諾。時有絕命詩。自書見示。因

次其韵以示

健筆留神向九泉。星霜三十二年身。我存汝逝偶然

耳。同是乾坤不死人。

同松倉尾雞展研山墓壘前韻

無能我意達黃泉。踐約終將埋此身。設飲墓前吟且

吊冥冥即汝護來人。

研山絕命詩病羸命盡向黃泉三十二年兢兢身猶有踈豪未消了孤魂永護義肝人

我每患頭風一日殊甚偶然有作

我患在頭腦。痛苦無人知。發時施何術。閉戶謝庸醫。

只養清淨氣。可以代療治。端然燒香坐。心平病亦隨。

此術非無理。世事率如斯。若欲矯國弊。寬度要知時。

星巖梁翁見訪。酒間分得無字。即賦七絕十首

以贈錄六

一別天涯情互輸。君遊京洛我江都。鴨匡樓上五年

夢。能到玉池登館無。

瓜代歸來興不孤。詩翁恰是自皇都。天涯馳夢宵宵

事到得相逢談却無。
偶爾相逢杯且呼。鄉珍何必在尊鱸。香魚自是家江。
美休笑寒厨兼味無。
醉說曾遊一笑俱。別來三度客江都。五山翁會醒翁。
集談及君詩無例無。
滿城絲竹極歡娛。唯我吟筵風味殊。半夜泉聲蟲語
外。荒園月色一喧無。
目為迂叟豈其迂。真是清時好丈夫。交友自非吾舊
識。解君情事一人無。

聞佐久間象山遇赦歸故國次韵其獄中作以

寄

畢竟忠言似不平。憶曾剪燭夜談兵。港闕相地議三
六。邊警見機誇兩明。訛係幽囚能忍寃。生還鄉土亦
恩榮。必然期是十年後。相會都門繼舊盟。

大黑撒百寶圖

一槌為何用。豈能出百珍。打他貪吝者。撒與至誠人。

送睡翁君遊京洛

丈夫如能得身處要地。須吐心肝成大事。丈夫如能
得身處閑地。須以功名付一睡。睡翁許國三十年。決
然脫去身欲仙。著其眼處非屈原。胸裏煙水五湖寬。

湖山曰真是丈
夫心事有此一
篇睡翁君足以
傳不朽

離筵夜雨又如何。春風明日京洛花。莫向迂儒論時世。嵐峽載妓好放槎。

光霽樓雅集追憶恪齋

每上此樓思恪生。七年花月歎吟盟。奇論吐志霄間氣。末技善詩都下名。落日登丘觀霸略。春霄聽雨議洋兵。追懷往事重回首。依舊青山欄角橫。

瘴病行

垣城北去八十里。山圍小村屏立似。其民憔悴其田瘠。瘴氣觸人妖病起。木實是餐窟是家。蓬髮不辨孃與爺。孃死爺死兒亦病。未敢訴官事非耶。病乎可瘳

湖山曰此時尚是大夫從政之初後來豈有此事乎

飢乎不可復。田無力耕何得穀。病而不食死不葬。陰壑火飛鬼夜哭。我公聞之先發倉。親作祭文告彼蒼。噫乎小吏催租如水火。民之困苦急於瘴。

暴風雨後巡視諸郡五首

三錄

其一

暴漲翻民屋。蒼生道路嗚。半旬不就枕。篝火夜修堤。

其二

田閒溪水漲。川底野畦開。人事如斯耳。乾坤倒置來。

其三

山影歷顏爽。溪聲觸耳奇。我胸橫百感。終日不思詩。

又曰不思詩而詩成是為天籟

湖山曰是亦卓見

又曰大夫風流之舉每出人快然表故能使人快

書感寄黃石岡本君

神州威武漸將衰。幸有洋夷來且窺。清世若無邊海事。士風一變果何時。

春初同磐溪畏堂枕山湖山梅礪雲濤交山諸

子遊墨水路次口占十首

踏約東西會水邊。欣然一醉我將仙。橋頭笈告霎時

別酒伴吟明分入。船是日雇二小舟一舟各五人依所得之韻為前後亦一雅事

紫吹紅歌兩岫樓。雙雙遊舫溯春流。簾簾偶爾誇奇

句。風送吟聲到別舟。

客未來時春更好。花初開處景殊新。難將林下清風

致說與問桃尋柳人。

聞雪介禪師住刹罹災遙寄此詩

賀火柳州玄理哉。物兼心事一并灰。想師災後提如意。

仰睨乾坤大笑來。

聞尾藩小笠原彌十郎死節慨然有作

訃音落手淚先潛。讀到遺言心始伸。詩酒興豪烟月

夜。弓弦交厚武門春。鴻毛一死竊謀折大岳重恩臣

節振。亦穗復讐彌大義。百年易地是其人。

書感贈高岡西溝

慶事應須見大機。一生無跌亦徒為。研山逝矣果齋

病說不向君將有誰。研山果齋皆吾同志之友

秋初同磐溪弘庵枕山湖山雨香南村諸子重

遊墨水路次口占

湖山曰余與大夫同遊不唯十數回而無詩之足記者可愧耳

又催閑客訪幽叢。紅紫花開秋意濃。獨怪芳名歸七種。無人說及木芙蓉。

花逢尋詩步幾巡。後先有客且相親。一籃茶具半瓢酒。不是春風遊冶人。

書懷寄細香女史

遠客逢秋不耐愁。天涯回首憶曾遊。維摩村口月明夜。一棹清風到廣洲。

遊品川海晏寺途上口占

秋晴海驛漲紅埃。楓寺霜楓錦幾堆。扇影衣香人若織。絃歌八十二樓臺。

至日邸舍小集同磐溪嶺南畏堂可醫枕山湖山南園秋航雲如豹隱蘆洲尾雞諸子賦分杜句得意字是日歡甚痛飲談兵詩中故及之

檐梅呈笑何厚意。報我一陽回天地。朱門勸士偷閑來。古寺上人。不速至。驚喜未暇。交一語。狂呼童僕酒先置。今日之集何奇哉。須酬佳節以大醉。笑把巨杯期三酌。滿引自言從隗始。座無惡客盡飲徒。杯未到

手各張辭。或比揚州狂。樊川。觥船一棹鯨。竭泗。或比
成都醉。劍南。放筆縱橫馬。脫轡。銀燭卜夜興。益豪談
入兵機。大橫恣。咄何為者。英咭喇。窺我
神州成何事。眼纈耳熱。忽恍然。騎鸞駕空裂。目眈下
瞰掌小五大洲。洋奪漢爭竟。兒戲。忽焉夢覺。客已去。
半窓梅影香撲鼻。

論政十二首

唐虞果何治。堯舜果何人。能隨天下心。以治天下民。
九重雖深邃。四海可坐觀。
規箴資忠益。納諫聰明開。彼昏鉗民口。不知養禔昭。

磐溪曰一語有
拔山之力安得

使人君聽而深
省乎

川流壅而潰。其勢拔山來。
舉賢聖所難。大姦與忠。似當親老成人。勿近新進士。
鮮屐不加。枕敝冠不葺履。
穀子非天雨。財子非鬼輸。一逢不虞患。誅求及無辜。
善哉三倉法。天下歎豐無。
經制源周禮。末流隨虛飾。假之耗民力。竊之促國脉。
所戒在財貨。可恃不可積。
鄙夫空空如何用。叩兩端。儒臣如抱姦。姦非愚臣倫。
弁髦以弄君。土芥以棄民。
盜臣而收斂。國恩賣私息。堅冰殆將至。艸野誰復言。

湖山曰首首雄
健語語明快似
讀山陽翁通議
諸論

拙堂曰語語皆
公所親經歷故
言之深切無孟
浪含糊之態非
世間詩人所能

語心不語口。訴天不訴官。
蠹政果何物。內掖啓奢端。凡主少此弊。多是明且賢。
一指在目前。泰山不可看。
刑律如音律。妙用出至誠。後來法三千。黠吏姦因生。
機智巧賣法。輕重弄權衡。
職劇俸給薄。私曲從是始。難矣闕衣食。望其立節義。
凍餒及父母。豈無負素志。
治要在理財。理財恐成苛。貧富各至極。狃狃民訴多。
嚴乎官貸法。其無如之何。
百變如一家。好通利是計。今我日本國。儼為封建勢。

其勢迂交貨。其勢便邊衛。

古稱世祿之家。鮮克由禮。今見肉食之人。好古學道而不廢讀書者。蓋鮮矣。讀書則有之。至於好文脩辭。則為甚罕。願其初莫不學。而往往唯倥惚職務。或恥下問。或厭刻苦。遂不能全其志。則於職任亦可概也。大垣藩大夫鐵心小原君。職務之暇。好學不倦。屬文賦詩。以自樂其為人。可欽想焉。偶寄示近稿。讀之神韻蒼古。出入于韋孟之域。而忠憤慷慨。綽有少陵風骨。足以傳

於不朽矣聞君愛梅遍栽之以環其居鐵心之
彌蓋有取云書曰若作和羹汝惟塩梅梅之愛
有以哉三復感嘆書尾還之

肥前 佩川草場韓拜具

鐵心遺稿卷之一

湖山曰粗豪大
志實是英雄本
色

鐵心遺稿卷之二

大垣 小原寬栗卿

癸丑元旦觀海有感

東洋萬里碧悠悠天水合來帆影浮。又是粗豪生大
志。那邊海外共和洲。

君兼似雲鳳女史

三杯遣悶與誰同。天阻吾遊約又空。日暮白櫻花上
雨。寫人情況故濛濛。

殿山看花歸途品川酒樓寄懷鈴木彦之

江城春暮思悠悠。且把幽懷附放遊。吟步先尋落花寺。醉歸重上夕陽樓。無邊遠水浮離恨。不斷長風吹客愁。絕叫才人何處在天邊。帆影是房州。

青山大塚君將歸彥根。故來告別時三月晦也。

置酒留君感忽生。豪華夢覺子規鳴。春風又醜奴磨墨。夜雨禪燈僧話兵。人為特來知惜別。談於對酌始伸情。一鞭儻踐湖樓約。笑說曾遊舉巨觥。有相會于磨針嶺望

湖堂之約甲故云

六月夷艦入浦賀港。事變不測。時吾公支旗戶田豆州君。為其鎮臺。故吾藩秋山天岡香村三

湖山曰迂籌誤機千古遺恨

子帥兵赴援馬。余賦此以示三子。兼呈鎮臺執事。實其第五日也。

快馬指西忽一揮。海城旭日映軍衣。大聲先向鎮臺說。莫以迂籌誤大機。下

夜發溜池邸。赴芝浦。馬上作。次亡友鳥居研山

絕命詩韻二首。

半夜驅兵赴海濱。揮鞭鞍上聳孤身。軍裝已見與時變。著得鐵衣無一人。時政府下令使兵士被防火裝故云

幾萬屯兵衛海濱。夜風吹熱不堪身。連營篝火明於晝。借問將軍何等入。

秋八月應召自江都歸大垣在藩數日再東枉
路于浦賀往返道上得七絕五首

急召千里事其閑特遇斯般是泰山敢批逆鱗非一
日猶依依舊拜溫顏

落日鐘聲法藏寺龍飛此地舊蹤多欲酬聖世無涓
滴路入三州下馬過

同此襟懷同此行並與路上亦談兵鑣倉暮雨秋空
老浦賀曉晴潮正平

此行同小
寺翠雨

激浪雷轟九里濱砲臺殺氣夕陽寒要拈健筆圖形
勢不作詩人軟弱看

孤客鞍頭感慨催海門落日晚潮回誰知一片武夫
恨戍迹秋寒本收臺

甲寅春正月彌利堅使節船再到近海時寬帥
兵赴浦賀馬上賦二絕

鞍頭未必說兵機武略餘情筆欲揮月落松田村外
路梅花馥郁拂軍衣

遐方絕城互高舟直入海門連月留誇彼春風花一
種看如我國又何州

梅園絕句二首

天地悠悠大我園占一弓梅花開又落此裏了空空

湖山曰何等餘

問我梅花妙。玄玄不可言。百端公事了。孤坐月黃昏。

竹

直直何等節。千竿綠拂雲。官路無他術。只能師此君。
同細香大夢竹雨海鷗遊岐阜。觀桃花于長良

峽。醉後偶作。

帥兵昨在相州地。我骨期埋東海沙。今日生還岐山下。春風流水醉桃花。

震後偶感

微臣叅政十五年。地祗忽怒捲山川。我民蒼黃半失
居。道路老幼泣訴天。臣家何事免此災。獨使無辜遭

湖山曰又是大
臣之語氣

苦艱不分城中凡吏輩。慙慙向我賀安全。

湘夢書屋集。同山縣世衡高木致遠加茂永鄉

大鄉百穀賦二首

萍集此筵如有期。四方遠客自天涯。奇談愈出愈奇
絕。將道新知勝舊知。

奇哉之子涉窮陬。蠻雨蠻風唐太洲。醉說夷情頗歷

歷。直將其話充邊籌。世衡近遊
蝦夷故云

山獵行五絕七首

出城先叫快。雪霽曉晶晶。我馬驕將逸。戛然蹄有聲。
揚鞭驅壯士。連砲鬪奔雷。老猪如牛大。巖根吹雪來。

拙堂曰首首實
際僕亦嘗督獵
雖非雪中有事
之相似者讀畢

有一杯

絕湖山曰奇絕快

山鳴雲灑墨。悲壯此時情。獸來不見獸。咫尺聞蹄聲。
 鹿羣脫圍去。驅逐入絕壑。身熱氣欲絕。手撮冰片嚼。
 豬斃從崖轉。雪上血痕殷。幾丈紅錦段。掛在銀壁間。
 西聳膽吹岳。北連夜叉潭。風雪灑我馬。怒鬣亂鬚鬚。
 雪來天已暮。陰壑怪風生。杖鉤立巖角。老猿時一聲。
 寬立濟窮之法。五年于此矣。事未全成。公下特
 命。褒寬微功。加賜祿三百五十石。感銘之餘。恭
 賦。此記恩實安政乙卯十一月五日也。
 救窮未遍及封疆。叨此殊榮奈彼蒼。恩祿新加三百
 石。褒辭連賜二十章。月雖已滿非良夜。花且猶寒吐

異香憶到祖先勤苦處。決然拜命領餘慶。

同雪瓜禪師高岡西海訪霞山人歸路雇舟。遊

藍川。雪月之奇不可言。翌書此二十字。

歸舟疇昔興有客問何如。醉倒人如灰。滿身雪。寸餘

無何有莊新成。因有此作。附記

寬七世祖靜樂君諱忠顯。天資英偉。處事勇敢。爰
 知其可大用。擢為騎隊將。勞參國事。其為政先身
 率之。衆大服。當職年久。聲望益崇。君常好施。而自
 奉簡儉。既而告老。營別墅於城北林村。築一亭于
 其中。謝世閑居。門鑰常合。不出戶。連八年。一日入

又曰奇語驚人

湖山曰追叙祖
德真情動人

鎧櫃中。自及而終焉。蓋悟身既無用於世而然也。
六世祖水波君諱忠珍。至性忠勇。有才略。襲任鞅
掌。元祿中。會幕府有文。勘飛彈州之命。俄而土寇
蜂起。連郡騷擾。君奉命往治之。開文經畫。皆合機
宜。民大悅服。因蒙幕府賞賜焉。後其州民建祠祭
君云。君晚年亦退隱於別墅。寄情山水。閑吟舒嘯。
灑然自娛。得以終天年也。爾來其墅廢毀。距今實
一百五十年外矣。寬仰慕二祖之高蹈。至林村。問
之父老。風踪雲影。漠不可定指。因又新搆一園。名
曰無何有莊。

二翁仙去獨留名。卜得高蹤園再成。作意搆亭流水
岸。潺湲今聽舊時聲。

歲晚尋梅干荒尾。慨然有作。

天地有此花。天地有此人。一瓢來相訪。落日溪橋邊。
有石題詩去。不要世人看。

飲無何有莊。自題小夢窩壁。

隱流未必解風月。俗吏何曾知國家。機務百端閑有
味。一瓢又此訪梅花。

奉酬化堂勝山侯見賜瑤篇

何料瑤篇千里傳。關山回首幾重雲。吟窓有此梅花

又曰所謂偷閑
之味勝長閑者

月一片冰姿見使君。

偶言

百計新民彼一時。琴堂今日畫簾垂。竭來此訣及詩句。只欲渾圓不好奇。

曉枕聽鶯

半簾花影曉如烟。一榻春醒覺復眠。恍惚嬌鶯可憐語。引人幽夢到梅邊。

無何有莊偶述

花開春自好。花落不關情。與世相忘遠。泉聲又鳥聲。泰元長老將去賦此與之。

惠遠修真三十年。未曾容易出禪關。如今舉脚何邊去。當面千山更萬山。

月既望也

同弘庵老儒雪瓜禪師及諸子泛舟廣洲時七月既望也。忽被坡翁餘興催。泛遊會客又奇哉。休言此艇輕於葉。天下人豪載得來。

齋藤拙堂先生見訪喜賦

南州有士本稱豪。郭落秋天北斗高。今日辱臨春靄靄。滿堂和氣醉醇醪。

同拙堂先生及誠軒雪瓜敢堂西浦立堂藤陰

湖山曰弘翁拙翁遊踪相接文學之盛可想

海鷗諸彥雨中到關原吊古
高人徹夕吐奇論引得餘豪曉出門訪水尋山本閑
事一鞭衝雨到關原

八月十三夜小野崎过河合筒見津田諸子見

訪酒間同和文天祥月夜詩韵

快人相會舉金杯雨浚秋高小露臺城上月懸弓影
白池中魚躍綉光開

寄懷小浦米青

各藩何幸學同門只恨生平未識顏紀樹濃雲秋一
鴈夕陽望斷海南山

寄懷森田簡夫

踐約扁舟何日同等閑十五度春風有時遠夢尋陳

跡隅水寒梅月一蓬

余十五年前同簡夫隅田川看梅簡夫有重遊此地君休誤之

句詩中故云

秋雨

不似絲絲織柳條夜深點滴老芭蕉古龕殘燭玄談
適小閣孤衾冷夢遙

無何有莊有異事慨然賦長句

我曾栽梅就官初師其清潔契不踈當時財窮荒政
極箕劔脫剥民泣途濟之勢如赴急難丹心誓與天

湖山曰奇論快
論皆自卓識生
出敬服敬服

地俱勤儉事行人心合。庶政就緒臣意舒。幽酌對梅
先一筴。擬營菟丘為後圃。君不聞我祖退隱城北村。
追蹤且卜地。一區短籬已理衙。門設老梅移栽殆百
株。引流潺湲繞其間。竹塢蘆汀小江湖。退食提瓢日
來此。一任人呼風大夫。自謂人生行樂耳。月飲花吟
儘歡娛。豈料天漆黑。雨蕭蕭。夜何物。魑魅仇其廬。我
初愕之。然却喜怪乎。非怪省吾軀。無乃花神發憤怒。
臣事未成志漸粗。何面對此老梅樹。稱師之契竟何
如。吁乎志觸事立。慢從安。起我情。夫果梅乎。
丁巳小除夜。同立堂尾雞海鷗。訪雪瓜禪師。酒

間談禪。偶得五絕句。三錄

其一

當此窮陰夕。何意叩僧扉。忘機非我事。參禪問大機。

其二

聽師彌天語。萬慮附浮漚。一點真如月。來照我心頭。

其三

方丈坐相對。一枝梅影寒。悟了天地小。始知此室寬。

送雪瓜禪師移住越州

月灘龜峽夢相牽。萍合蓬離又不關。歸隱卜隣曾有

約。問師埋骨定何山。雲州神龜峽。和州月灘。海內名區。師常所慕。稱詩中故云。

題瓢

雪瓜
師索
禪

打破乾坤身與瓢全。萬里挈去。片月孤雲。

鐵心居稿諸家品評具焉。此卷近年之作未數於世。千里傳命。使題數語。讀之憂國之誠。慨世之意。溢於紙毫之表。詩小技也。然亦費功力。故以詩自處者。其格卑矣。不以詩自處者。其功踈矣。不卑不踈。是君之所以聘名於海內耶。

豐後 淡窓廣瀨建敬書

鐵心遺稿卷之二 畢

木邨嘉平刻

鐵心居記。余嘗讀其稿。請大垣參政小原君栗卿。嘗寄其詩稿。請余刪潤。爾來十餘年間。郵筒來咨。多論文詩。時及經濟事務。然其人。靡仕黜職。不能乞暇出游。是以余未敢識其面也。雖然。余知栗卿有此之人也。慨然奮勵。

修文以輔政。講武以備亂。民之疾苦。欲
救之。俗之元弊。欲剔之。懇懇之意。每溢
乎筆墨間。是以余雖不識其面。而粗知
其心矣。頃者栗卿又寄書來。請白去歲
家人不戒火。第宅蕩然。今纔復其舊貫。
更築讀書齋於其中。植梅環之。平生所

愛也。故扁白鐵心居。顛先生有記。余乃
知栗卿非止愛梅華。又慕於宋廣平。廣
平以鐵石心腸。輔相唐室。亦從梅華賦
甚豔麗。時人疑不類其平生。余謂凡有
華者必有實。有實者必有華。其華能及
詩賦。故其實可以。和鼎羹。是其源實出

於鐵石心腸。彼疑之者。蓋未悉廣平。亦
又不為知梅華者。夫梅吐芳於歲寒之
時。不憚雪虐風饕。亦為鐵石心腸。故為
華則梅。為人則廣平。人華一致。何容疑
乎。今栗卿以鐵為心。亦詞華之美。亦可
觀矣。宜乎其愛梅華也。玩歲梅華。又得

不慕廣平耶。栗卿亦慕廣平。則一國人
民受其賜矣。是以余雖不識其面。其
心則粗知而信之矣。其請所以不拒也。
己酉仲冬念一日

津藩鐵研學人齋藤謙撰



雪江關思敬書



Faint bleed-through text from the reverse side of the page, including characters like '雪江關思敬書' and '鐵心遺稿'.

鐵心遺稿卷之三

戊午上巳後一日同諸友飲于芬子閣時余將

弘庵曰西出陽關無故人之意一經點染即覺清新

鐵心遺稿卷之三
後江都心平且閒世間皆自願
乾坤落落誰知己。話別三杯醉味長。芬子閣頭無限恨。半峰紫翠正斜陽。

發大垣到加納便道訪海岳三宅氏賦示
故人家在老樵陰。便道敲門情更深。飛絮落花山驛雨。停驂話盡別離心。

別後寄鄉里諸友

養老峰高映翠霞。那邊知是故人家。閑愁一掬難成。醉山驛春寒別後花。

木曾道中雜感十首五錄

其一

丈夫重意氣。世事等浮埃。山水多奇秀。一鞭入峽來。

其二

蘇道雖然險。我心平且閑。世間皆白眼。竟日見青山。

其三

過眼溪山變。朝晴暮雨天。可無已哉嘆。世態盡雲烟。

其四

弘庵曰奇想

提酒立巖角。遽然身欲仙。翠崖纔欲處。片月一弓懸。
夜飲鬼淵臺

其五

澗陰明曉雪。棧霧晝猶昏。東出水關去。桃花春幾村。

將入都小寺翠雨來。迎於深谷驛喜賦。

男兒許國度崔嵬。澗雪棧雲叱馬來。寧識春風有今

日。花前笑把故人杯。

入都偶成

十年三見麗都花。依舊春風又奈何。昨得佳招今得

客。交遊却以故鄉多。

拙堂曰唐音

湖山曰都門實境

弘庵曰一結莊
重得體

柳殿拜賜恭賦三絕句

賜章服三
白銀三十挺

微衷報國有何勞。命及陪臣華袞曉。八重門初下
馬。春城佳氣斗牛高。

翠柳殿前趨拜賜。忽疑身上九重天。相公在坐千官

肅。傳旨溫言春萬然。

明世方知雨露多。粲然四海見光華。春風恩及無名

草。奇絕能開一種花。

參政三上侯。一日召寬於龍口之邸。同試騎其

後園。時有蝦夷所產之馬鞍。鐙之具。則米利堅

國所贖之物。即命寬先試之。實為奇快。恭賦長

句一篇以記事

偉哉藤公廟堂英。恭與大政擅廉名。

神州古典無不究。究到弓馬家是精。維天何數生毒

器。弓箭之技落第二。兵制一變在轉瞬。兜鍪以下及

鞞。轡。一日召寬龍口邸。兵談未終。下階陞後園。有埽

花柳妍。即欲試騎。水先灑。有馬曰致蝦夷洲。毛骨雖

健。非驥儔。鞍鐙奇異。更何物。所贖果是共和州。誰先

試之。要寬也。曰諾。按轡即跨馬。四蹄鐵靴。鳴有聲。西

洋施。鐵。法。四。蹄。奔。蹏。縱。橫。如。驅。野。始。知。器。械。長。在。彼。騎。而

施。鏡。可。臂。使。鞍。鐙。之。約。轡。之。便。不。似。俗。習。事。觀。美。誰

湖山曰古來詠
馬名篇多矣然
自騎自詠如此
篇者恐無其匹
也
又曰蓬蓬勃勃
其氣如湧據鞍
顧眄得意可想

言觀美真無益。建索頭年止貫革。彫弓華馬流鐫式。
壯士如花亦不惡。

梅痴上人將歸飯沼余約送到墨水有故不果
因寄此詩

客裡聞師將有行。無多別舊奈離情。誰人送到墨江
上。曉雨梅天杜宇鳴。

夜半夢覺慨然有作

有物誰持來。置我心肝底。海風東南來。暴雨滿城晦。
天變又地妖。陽九將無乃。客枕孤夢驚。知心人安在。
起把離騷經。痛飲澆磊砢。

賀島蘭洲新居

十歲辛勤始有廬。幾車家具半圖書。誰知毛氏一枝
力。起得堂堂學士居。

立秋後一日贈直輩生

一夜西風吹鴈急。忽驚節物入悲哉。他年知汝歸兮
計。定被此聲催促來。

近日墨魯英佛諸夷來。橫行于都下。慨歎不可
言。偶同立堂海鷗二友。泛舟從墨水。到芝浦。痛
飲劇談。頗極豪興。醉中作五絕句。實戊午中元

前一日也

三錄

弘庵曰豪興以
洩餘憤奇策奇
策

磐溪曰妙不可
言
湖山曰好典故

怪髯妖目是何人。來入都門扇具羶。痛飲讀騷餘憤
在扁舟載妓泛隅川。

快檠截潮橋下過。釵光鬢影映晴波。同遊之士皆奇
傑。幽憤鼓來豪興多。

佃洲南去砲臺連。潮挾風聲浪撼天。決眦羣檣林立
際。劇旄紅閃是英船。

齋藤東洋寫蘭余走筆題此詩東洋善擊劍有

盛名

有武豈無文。英雄古今然。落花關門詠。早梅箴背春。
喜君刺擊手。拈筆寫幽蘭。

戊午八月暴疫熾行都下死者殆過十萬慨然

作二絕句

夷入都門慧星見。死亡十萬是何災。當年鏖虜神風
力。不掃斯民流毒來。

疫鬼觸人人便斃。訛言醜虜貽奇艱。若能決戰灰如
許。節義威名歷百蠻。

暴疫方行人心兇懼時社主僧徒及姦醫等各
鬻除疫之法以貪利者多矣予意不樂所以有

此作

禱神自恥况祈佛。仰謝彼蒼今日安。樽有新醪集隣

曲。團欒筵酌是金丹。

十三夜同立堂海鷗賦

今宵月是寬平月。賞月人空與世遷。杯中別有不磨物。一片金光九百年。

與菱田士瑞飲醉中聞江村季德歸省書二十

字以贈之

君言省阿母。歸去有由哉。狂濤翻世勢。家國急人村。

鄉人槁榆村。未告水災之狀。惘然作二絕句。

哀哀來說水災狀。說到流氓淚忽傾。僵屋隕堤悽在目。路頭霜露若為情。

和庵曰讀之憫然况有民社之責者哉

拙堂曰觀君平

生乃知二首之語皆從肺腑中流出

奇災一一使人驚。天道非耶奈此氓。徒是霄霄眠不得。客窓風雨也關情。

對月懷雪瓜禪師

余與師交誼最厚曩日飛錫之越州爾來無一消息因有

此注

山巍巍水悠悠。高僧一去無消息。明月在天空照秋。

或疑我師耽禪寂。一并交誼付浮漚。不然既已換骨

了。跨得白龍海外遊。山自秀水自流。取此山水當肖

影。思師對月獨倚樓。

秋日同弟任卿到王子村飲聽泉亭

名區皆熱鬧。獨有此鄉幽。魚影明看霽。泉聲遙聽秋。

湖山曰大夫平生好作悲憤激昂之辭佳則佳矣不如此首之清遠有回味

殺堂曰謫仙遺響

弘庵曰三四超曠可喜

發堂以後聯妙甚

真成天地濶。恰得弟兄遊。落日醉歸路。閑吟聯馬頭。

真乘院主正順上人邀我老公賞菊於其後園

寬亦陪焉清饗優渥醉後賦此呈上人時十月

十七日也

寶池清幽誰不欽。天鍾靈秀滿園林。鷺般瀑布白噴

玉。笠大菊葩黃疊。金座暖老炭遊行賞。月高別殿管

絃音。二更宴散重移榻。引支公共醉吟。支公指徹定師

澱老公邀我公及君夫人於澁谷邸賞楓其後

園寬亦陪從焉是日君夫人及侍女試眉尖刀

技于紅樹爛燦之際極為奇觀時十月二十三

私庵曰是庵風流陣

日也

翠松紅樹映霜晴。恰有明辰訂舊盟。楓自龍田高尾

種。園兼綠野輞川情。眉尖刀閃過鴻亂。鳳綉衣飄棲

兔。驚遊讌如斯真快絕。滔滔熱肉嘔啞聲。

十月二十六日我老公辱臨于臣寓舍乃獻酒

温言清話到夜深。恭賦長句一章以呈

弊廬豈料拜雲輅。特遇殊恩非一朝。儉德曾能回菜

色。隱情今此仰風標。酒香迷座春將動。燈影照杯宵

已遙。何事温顏生喜色。寒窓飛霰打芭蕉。

寄題安田氏山藏樓

湖山曰魚水情味溢于言表

此樓人說。收羣嶂。或道玲巖積似山。一片誰知翁氣
宇。巍然如岳聳霄間。

寒江圖二首

帆足杏
雨画

遙嶺橫寒樹。空江不見船。歸僧鐘響遠。落日暮灣烟。
枯蘆寒水濶。遠樹夕陽低。一點鷺如雪。乾坤氣味悽。
余例以。至日集諸同人於郎舍。今冬亦謀為之。
一夜夢彥藩執政黃石岡。本君來在座。余大喜。
曰。今君多事。何暇見訪。實望外之幸也。因相與
痛飲。為歡久之。而覺唯一燈在耳。時瓶梅將發。
暗香郁郁似報。至日之期。非遠。乃賦此贈之。以

促其登音

拙堂曰此七字
君口言之而躬
能行之故屢拈
出耳

事能果斷。志欲廉。偶爾風顛。也不嫌。訝我吟筵。君在
座前。霄竒夢得佳占。

菱田士瑞喪母追悼殊甚。詩以慰之。兼示教誡
之意。

豪宕客竒傑。士羈束以用之。殊勲掌可指。吾友鷗生
是其人。成童已見才。鉉偉乃翁慧。眼曾有言。此兒偉
器家可起。翁既逝矣。唯存母。母教誠存三。遷旨器已
欲成。寸愈逸。烟霞狂癖。從此始。有似健馬脫銜轡。奔
蹶之勢不可止。我思翁言謀有人。雪瓜禪師立堂子。

湖山曰真情真
詩何論巧拙

磐溪曰一片忠
孝藹然溢于言
如此論人人誰
不從

一夕相會延鷗座。苦言慙慙針其髓。鷗也唯唯遽然
去。我且疑之使人尾。果能歸家謝前非。慈淚潛然泣
且喜。竭來夙夜在膝前。親承歡心苦看視。一朝負笈
來大都。經義殆究傷及史。鄉信忽傳阿母逝。愕然膽
碎夢相似。口絕數言目忘閉。三日撫枕哭不已。哭餘
作詩節益振。丹心一句殊堪美。君不見翁之金言母
之慈淚嗟汝勉。我夜繼晷泉下幽魂依然在。所期汝
之功業耳。

拙堂曰此會諸
子多舊識老嫻
久不相聞問此
註知其健在可

歲晚郎舍小集喜諸彦至賦此
是日會者高島
保岡嶺南佐竹永海岡本秋暉春木南華西島
秋航齋藤東洋鷺津毅堂小槁橋陰僧南園及

喜也

上田高痴野村藤
陰菱田海鷗也

乾坤何物在。寥廓人傑存。人間何事樂。團欒綠一樽。
維時窮陰雪方霽。拔夫人傑集小筵。天半岳色來杯
面。酒綠雪白相映妍。此會謠笈渾無用。不許俗士來
脅肩。磊磊落落丈夫膽。論及天下傍無人。君不見醜
虜入都初。十丈慧星燦燭天。竭來都門暴疫熾。百萬
生靈空灰塵。嗟吁我輩又何幸。聚首生同今日歡。沿
例觥船從隗始。滿堂笑語忽生春。

磐溪曰豪極快
極

雪夜訪藤陰官舍同高痴翠迂謙齋海鷗賦
風雪天涯歲欲殘。何圖同此故人歡。團欒一夜鄉關

話。燈影茶香情不寒。

除日同小野崎酒井永田三士馳馬到蒲田梅園醉後慨然賦此三士者皆余麾下隊長也。

春遊稱快十無一。獨到梅花趣殊逸。我就麾下拔三士。一鞭先尋正除日。冰地戛然蹄響高。花點點處更奇拔。痛飲劇談傍及兵。著得妙句非死必。君不見今古愛梅人多少。論其品格指可屈。嗚呼乾坤寮廓久。知於愛梅不居乙。

除夜翠迂國手宅同高痴藤陰謙齋海鷗守歲分得來字

湖山曰自負亦妙

人與梅花笑口開。遠鐘聲動覺春回。臘殘已舉一杯酒。留到新年傾盡來。

鐵心大夫作東役小稿以示來者來者讀之茫然而思喟然而嘆曰嗟乎大夫其有深憂幽憤而不欲露之托於詩於酒於豪興者耶不知者必以大夫為甘於詩於酒於豪興者也余獨知其決不然矣然使人有深憂幽憤而不敢露托於詩於酒於豪興亦可慨耳若夫墨水泛舟等諸作則欲掩亦以露云

己未上元

十畝之間桑者藤森大雅拜識

鐵心遺稿卷之三

大垣 小原寬乘卿

鐵心遺稿卷之四

己未客中元旦

梅花楊柳又迎新。依舊林盤杯可親。自覺微臣欣意別。帶榮歸國是今春。去年有幕府之賜帶榮二字故云

松陰曰盛事不唯畫錦

高秋帆自寫富岳圖一幅見贈且語曰余嘗涉嫌疑檻車下都途上觀富岳以為余身世如此不得再觀岳面也不覺潜然泣下豈圖今日得復見青天白日之雪親寫昔日檻車中所見以寄感慨予聞其言又慨然作此詩

旭莊曰正氣實切

湖山曰滿腔慷慨觸慶乃見松陰曰結處辣可以卜執事結局之妙

真成此老可稱豪。意氣淋漓揮醉毫。十載幽囚歌正氣。一朝公議拜殊褒。畫添深感癡尤妙。人歷多艱節乃高。他日春風泛遊約。笑看岳色落輕舫。與秋帆磐溪等泛舟墨水之約故云

題老翁修敗繖圖僧南園索

此老是何物。果是何老筭。取繖修其頂。頂乎即機本。機本修了來。始得免敗損。一張又一弛。雨雪常可伴。噫。我在要路所修。豈獨繖。

赴川勝蓬仙君醺化堂勝山侯及坪内市岡西山遠山桂川諸君先在座焉其餘都下名流陪

旭莊曰二聯善寫公醺盛興之狀松陰曰高興可想

松陰曰邵康節先生與蓋

遊者殆四十人可謂盛矣因賦一律
盛筵不獨武兼文。百技名流盡逸羣。公子風標柳掛月。老儒確辨座生雲。清聲石裂柯亭笛。嬌舞花飄楚女裙。醉避飛觴倚欄角。春星垂殿已宵分。

拉二詩僧訪田畑梅園

我得閑時天亦晴。伴僧半日儘吟行。真成儂是梅知己。開到三分五出城。

玻黎歌并引

少將藤堂侯賜此歌於寬寬驚喜之餘恭作是歌以代謝辭時己未春王月十有九日也

明侯有賜。驚且喜。眼底光流瓊耶瑤。置而拜之。取撫之。始知玻璃即是瓢。瓢乎自古隱流器。顏巷寄樂箕山棄。獨到此瓢趣自別。侯之所取豈閑事。君不見世上風波日橫生。人事曖昧不分明。彼偽君子唱仁義。問其心腸只利名。此瓢玲瓏器中傑。一見透徹滿腸潔。拋之不碎。敲有響。全身瑩然見奇節。清於夷齊避周粟。大義忍餓不受贖。潔於天祥為虜囚。正氣擔天節不揉。侯之意其在焉乎。乃信南州風教殊。吾濃與侯封疆接。有此善隣德不孤。餘波洋溢及吾土。須見此瓢均君父。作歌頌德傳我州。州民聞之亦起舞。

侍臣某持扇一握來索。余題詠云。公所手賜之物。乃援筆書之。

君親賜扇。意本好。臣豈可無瓊瑤報。炎夏雖寵秋風棄。視為褒賞。禍或導。請持此扇。常侍公仁。則揚之邪。則掃。

百竹生好雕刻賦贈

彫蟲技雖小。膽略存其中。竹生氣宇大。眼下人亦空。手拈一寸鐵。萬象奪化工。

雪瓜禪師魚雁濶絕。余寄詩責之。師乃次其韵。見答意猶未釋。然因又疊其韵再寄之。

旭莊曰忠厚真

雲重重。玉人悠。憶曾交誼春靄靄。何圖別後冷於秋。
 師曰：死生置毫末。又曰：天地本一漚。館閣之事不足
 言。扁舟何日五湖遊。山欲崩，水橫流。君不見，昨與拙
 翁論心事。養老山下千載樓。
去年同拙堂先生雪瓜
 禪師遊養老飲千歲樓

醉後共說
 心事故及

雪瓜禪師見寄別後詩稿閱之不係思余之作
 者十為二三感悚并至離恨益切因又疊前韵
 三寄之

喜情厚。歎路悠。曾許竒想與師合。月是春宵花是秋。
 開卷雖然如接面。離恨安得付浮漚。無句無字非交

誼。或說心事或曾遊。舟于岳。車于流。欲往訪師不可
 到。悵然又上夕陽樓。

二月十一日同秋帆磐溪南華藤陰泛舟到深

川上田竹內小野崎菜山江馬菱田諸子亦買

舟尋至興趣益旺此日初雨後晴得五絕句

未曾問柳又尋桃。冒雨衝風遊興高。載得大都人傑

去。船窓把酒睨驚濤。
芝浦驚濤

憶昨揚州花柳妍。紅塵春漲美人天。重遊灑下杜郎

淚。悽雨寒烟十七年。
深川細雨

春漲溶溶欲沒磯。簾波日暖閃晴暉。飛鸞樓上美人

旭莊曰中晚佳境

松陰曰懷舊歎
今儼然担當大
任者口氣

拙堂曰雪瓜今
日僧中之錚錚
者余雖淺交時
時憶其標致風
韻况公之深交
連篇贈寄不亦
宜乎

酒不厭水風吹醉衣鸞樓春宴

風雨今朝勢太橫。何圖觀此晚潮平。悵然憶起十年

事落日砲臺無限情洲崎晚潮

水烟白抹暮江幽。屈指朝來四上樓。倦倚舵頭無氣

力。春潮蕩月趁歸舟永代新月

小野崎立堂將發都臨別賦示兼寄雪瓜禪師

在吾鄉

天涯未歸客。今日又離危。西望富士山。杳茫欲夕暉。

鄉關千里遠。又思雪瓜師。師今來故園。魚雁三寄詩。

虎變居何興。鷗笈臺何奇。所集皆故舊。誰是不心知。

飛花春欲暮。節物及子規。可堪滯客土。獨空送君歸。

送磐溪先輩遊豆二首

昨日送春去。今日送君行。天涯滯歸客。躊躇此時情。

暮雨殘花冷。側耳聽鶉聲。

海樓一杯酒。江山萬里情。百花落無跡。流鶯空自鳴。

行矣莫復道。聚散浮萍輕。

詠白一字到底五十韻

人間無物貴於白。所貴之白果何白。人人皆識紅與

白。其奈無識白為白。遠水碧凝孤帆白。近山翠滴羣

鷺白。或有寒梅映水白。或有凍月印水白。此是乾坤

旭莊曰此體磬
溪可喜僕未解
其妙

至潔白。人傑誰能當此白。若非屈子皓皓白。即是酒
仙李大白。邊城秋高平沙白。英雄千古俠骨白。六郎
勇略超韓白。節到蘇武如水白。隱流亦自尚素白。一
室之中生虛白。月竒哉風清露白。春方好桃紅李白。
劉生曾愧一衾白。浣花杜老屋常白。清貧自炊菘米
白。幽酌笑咬霜薤白。有白而不白之白。世間俗子眼
常白。嗚乎自古乏清白。失道甚於使鴉白。芑苴公行
畫之白。姦吏舞文黑變白。弊政至此史奏白。慧星在
天曳尾白。劍光闌白箭羽白。天下殆共日光白。別有
一種生憎白。惜花韓偓泣綴白。滔滔治郎耽艷白。或

至塵芥擲黃白。春霄月朧梨花白。雪兒隔簾若為白。
羣白愈出多妖白。乃此片言試陳白。觀兵頭上天日
白。在官焉得不純白。斷事如指黑與白。面折廷爭須
建白。莫是國家有用白。一任功成騎全白。有人問我
擇何白。真情寄在彼太白。

將發都賦此留別諸友

海樓置酒賦分離。回首昨遊都夢思。花塢曉烟鐘響
緩。柳灣春漲櫂聲遲。歸鄉客灑并州淚。送別人歌南
浦詩。欲醉解頰竟難醉。新鶻一叫雨如絲。

訪黃石岡本君告別酒間見和余留別詩余亦

又曰五十句主
意在結二句耳

松陰曰憂國之
言在要路之人
不當如此

人生有合豈無離。得喪真成休費思。十歲舊交星影
散。半宵對酌雨聲遲。具臣狂癖空耽酒。賢佐逸才兼
善詩。且喜重遊期在近。共因國事鬢將絲。

發都

俯瞰海水青。仰觀天日白。始覺身世濶。有似驥脫轡。
回首嘆昨非。愧被功名縛。

金川臺

土木募萬夫。新開五市場。帥兵曾過此。風雪灑戎裝。
思量十年事。世變夢茫茫。

小田原

關山聳我背。大洋當我前。此險不可恃。英雄名空傳。
暮雨跨馬過。一點鬼火寒。

函關

踏破一險了。一險起前途。登登脫險處。有湖紺碧鋪。
久矣官路險。何日平如湖。

富士川

驚潮怒注海。磕磕是何音。轟如驅萬馬。非復羣水禽。
停驂問往事。蓮嶽自古今。

三保浦

又曰觸處憂世
食祿者不當如
此耶

又曰所謂在德
也

登寺眺三保。海灣正夕陽。萬松翠一道。斗出海中央。障得風濤險。故似護此鄉。

宇津山

老樹森蔽天。巖路掠面來。一步且一喘。哈呀幾縈迴。信矣猿面郎。此間破馬鞋。

大堰川

百溪來會此。暴漲不可舸。流泓無定處。河濶洲積多。碩儒架梁說。其欲如之何。

荒井渡

望岳要其近。定非解趣人。莫如舟中觀。東好是荒津。

拙堂曰堰川可舟而不可梁竹翁之策終屬迂闊

又曰與坡翁廬山詠同一落想

一碧鏡然水。倒涵蓮影新。

入鄉

關山又海驛。千里跨馬鞍。今朝始入境。正是挿秧天。水田青萬頃。不似他鄉看。

洲股渡上霞山人來迎欣然有此作

莫是隱流霞道人。掛瓢杖上岸。烏巾晴風吹綠鳳凰。水舟在江樓欄下津。

到家

歸家可喜又堪嗟。奈此紛紛熟客何。却憶關山行路險。風烟馬上得詩多。

旭莊曰胸襟可想

細香女史至喜賦

梧竹陰深無點塵。茅廬小酌覺情真。滿胸曾貯麗都話。一接高人不上唇。

雨中訪海鷗。居同西溝立堂大。迂毛芥翠雨賦。都門醉夢已陳迹。村趣真成情自適。柳外秧歌人未歸。烟中一道暮江白。

奉迎公駕至自江都恭賦

昨辭都門日。公駕在後首頻回。歸鄉日東望。闕雲重。重駕未來大有今年已有瑞。民歌民舞堯天地。公駕至。臣出迎。城門曉開旭日暉。雙戟高映松翠明。

松陰曰三四頗有漁洋之風

旭莊曰君臣相得至情溢帝

聞拙堂先生再請致仕蒙允即次見贈韵以奉賀

自非特遇水魚情。安得爭臣全此榮。諤諤論兵籌已用。循循敷教化方成。

大君召見儒林美。高節辭歸海內名。今日遂初心事了。青天白日照來明。

八月八日飲于正覺寺送桃壺禪師之九州兼寄佩川草場先生

樂哉幽寺飲。參禪心乃遠。松老深翠滴。醉吟坐苔蘚。歸鶴時一啜。蘧蘧物累遣。師指片雲曰。鐵錫去將伴。

又曰數句佩川翁小傳

談及鎮西士。慨然拋酒盞。肥有佩川翁。偉德海內顯。將軍曾要見。褒詞即華袞。老大辭不起。高節全肥遁。西望決眦立。寥邈海雲盡。仰觀半輪月。俯思在朝隱。此月滿有期。此思何時滿。

雪瓜禪師寄橫山雲南所畫雲之神龜峽圖徵
余題乃書此贈

師是麻衣草座公。莫將丹也目吾儂。雲山一片計愈

決。龜峽當他五老峰。韋丹寄僧靈徹詩云五老峯前必共君徹答之轉結云相逢盡

道休官去林下何曾見一人丹終以官卒

雪瓜禪師見惠快雪堂法帖喜賦

湖山曰遊刃有餘汪洋自恣奇正一句余欲以評此詩

曠古多入傑。何由窺其致。只及見墨痕。胸宇較可味。曾同此見世有人。雪公道眼磨鏡新。近割大愛寄古帖。一見忽使我心寒。怒猊踞。驚蛇走。變化縱橫勢欲鬪。或如烈士正襟坐。或如老藤帶霜瘦。羲之獻之出無為。顏公柳公見風規。若他蘇米亦迢逸。各各競成正又奇。奇正妙用吾甚取。譬之軍形無定矩。無形之形雖變。勿所歸同起。自一伍。因憶寒夜沈沈與公遊。雪灑禪燈梅影幽。研墨餘興論兵事。論及茫茫五大洲。嗚乎如今公不見。輒展此帖呼綠醞。千古英雄森在座。儘舉大白遣孤悶。

遊北莊歸途訪細香女史

夜竹深沈。梔子香。茶窓閑話趣殊長。孤斟已醉北莊。月看到君園。別有光。

漲後到德田村有感作

欲言天道不公。道。災至此鄉。何獨多。婦泣兒號誰忍。聽一塘以北。盡秧歌。

夜歸舟中作

無限般憂胸底橫。蓬窓檢案對孤檠。厭聞拍拍風濤激。昏墊斯民是此聲。

同河野夢吉訪桃壺禪師

又曰一讀慘然

偶延高士叩高僧。談及時機始上乘。清酌真成情趣遠。半宵寒雨滴禪燈。

庚申除夜桃壺禪師室守歲

僧影與梅瘦。寒燈照佛顏。心身無無了。依然在入間。

又

空門無甲子。日月與心新。一吼鐘聲動。人間知己春。

辛酉正月二十日同南村毛芥海鷗耕雲老泉

觀梅於牧野荒尾諸村路次以東坡細雨梅花

正斷魂句為韻各作小詩七首

風來雲有香。一白流林際。欲看梅真趣。未嘗要仔細。

湖山曰正月廿日坡公七律疊韻大夫出以五絕亦化腐為新之手段

蟻蠓春撲顏。溪戶雞聲午。欲去又低回。前山將送雨。夕陽明遠水。吟客過橋來。莫是鹿門隱。跨驢去訪梅。

是日毛苾跨鞍過荒尾郊

梅岸多奇絕。小蹊傍水斜。知曾被雪壓。老幹倒開花。

垣頽通小徑。古井與梅映。卜隱念頻動。餘地問里正。

飲法性庵廢園

橋邊月未升。風冷水禽喚。一枝挿鞍歸。幽香吹不斷。

人去莊空在。醉歸夜叩門。春燈梅上雨。一片認香魂。

歸路過亡友寬齋木村君別墅

桃壺禪師將赴九州臨別賦贈

讀了碧崑無所得。對師不用問如何。三杯話別桃花酒。依舊春風離恨多。近與師讀碧巖集詩中故云

送高岡西溝赴江戶

多情寄在一杯中。快別明朝千里東。下馬知君先灑淚。桶間艸木正秋風。

社中之士能文詩者亦不少。然青衿生耳。但公與小浦青崖有文事。有吏事。南北此對尤為可。喜公總督一藩政務。青崖亦於紀藩為顯職。余常誇於眾云。北有小原南有小浦。社中有此兩

U15992

小足矣

己未小春 拙堂隱士謙批

東從中作有經濟有豪華如放翁在蜀西歸後
住如七年夜雨不曾知之味隨時隨處隨宜之

妙可以見矣

辛酉之秋 松陰後藤機妄評

鐵心遺稿卷之四 畢 木邨嘉平刻

鸚
二六九

